

四庫全書

子部

欽定四庫全書

六藝之一錄卷三百十九

錢唐倪濤撰

歷朝書譜九

晉

劉超

劉超字世踰琅邪臨沂人以忠謹清慎為元帝所拔
遂從渡江專掌文檄超自以書蹟與帝手書相類乃
絕不與人交書後為右衛將軍謚曰忠

晉書
本傳

竇泉述書賦評已見

注云今見帶名正書一帖三行

顧榮

顧榮字彥先吳國吳人也祖雍吳丞相吳平與陸機兄弟同入洛號為三俊永嘉初拜侍中元帝鎮江東

以榮為軍司加散騎常侍謚曰元

晉書本傳

竇泉述書賦評已見

注云今見草書帶名三帖共有一十二行

戴若思

戴若思廣陵人也名淵為驃騎將軍謚曰簡

晉書本傳

張懷瓘書估戴若思入第四等

法書要錄

孔侶

孔侶字敬思會稽人晉大司農

述書賦注

竇泉述書賦評已見

注云今見行書一紙七行

孔愉

孔愉字敬康會稽山陰人也吳平愉遷於洛後為鎮東將軍會稽內史加散騎常侍贈車騎將軍謚曰貞

晉書
本傳

甯粲述書賦評已見

注云今見具姓名一紙三行

陸玩

陸玩字士瑤吳郡吳人也封興平伯遷侍中司空謚

曰康

晉書

陸玩字士瑤吳人機從弟也器量洪雅弱冠有美譽
喜翰墨尤長行書及登公輔謙遜不辟掾屬成帝聞
而勸之不得已從命所辟皆寒素有行之士玩以宏
重為人主所貴稟性通雅不以名位格物誘納後進
謙若布衣縉紳之徒莫不依之時瑞星見以疾不能
造朝親書其表以賀略云德合神明祥瑞屢臻普天
率土莫不同慶其筆力瘦硬有鍾繇法然議者謂繇
書如雲鶴遊天羣鴻戲水行間茂密實亦難過玩之

字畫雖不期與之方駕然雅重之氣發於筆端而有
典則亦足以昭示於世也玩官至尚書令興平伯今

御府所藏行書一賀瑞星表

宣和
書譜

卞壺

卞壺字望之濟陰宛句人也為尚書令復加領軍將

軍謚忠貞

晉書
本傳

竇泉述書賦評已見

注云今見帶名草書一紙共六行

却鑒

却鑒字道徽高平金鄉人博覽經籍以儒雅著名明帝以其有器量動靜輒問之乃詔鑒特草上表疏以

從簡易後封南昌縣公進位太尉謚文成

晉書本傳

太尉草書卓絕古而且勁

書斷

却鑒少孤貧高平金鄉人躬耕隴畝而未嘗廢書刻意翰墨以儒雅得名間自有樂處學優入仕政復可觀有女將以妻王氏子弟間有東牀坦腹食者便知

是佳婿於鑒裁甚高作草字下筆剛決略無留滯厚
實深沉豐茂宏麗而不乏風神蓋瘦則風神生而鑒
書厚實豐茂宜墮於朴野而筆力乃爾激峻此所以
宜知名於時也今御府所藏草書一
李嗣真後書品列上下品
實泉述書賦評已見

注云今見草書三紙共十七行

郝惜

蘭陵帖
宣和
書譜

郗愔字方回鑒之長子也為冠軍將軍會稽內史就

加鎮軍徵拜司空謚文穆

晉書本傳

高平郗愔晉司空會稽內史善章草亦能隸

羊欣撰錄

郗愔章草亞於右軍

王僧虔論書

郗愔字方回高平金鄉人官至司空善衆書雖齊名

庾翼不可同年其法遵於魏氏尤長於章草纖能得

中意態無窮筋骨亦勝王僧虔云郗愔章草亞於右

軍太元六年卒年七十二方回章草入妙草隸入能

妻傅氏善書

書斷

郗愔官至司空父鑒以草書稱古勁超絕後所不能
窺其藩籬至愔乃能接翼遂與張芝齊名作章草尤
工下筆若冰釋泉湧雲奔龍騰態度既多而筋骨有
餘王僧虔以謂愔書亞王羲之豈妄論也愔妻傅氏
亦善書子超尤得家傳之妙今御府所藏二諒弟

帖 遠近帖

宣和
書譜

庾肩吾書品列中之上

李嗣真後書品列上下品

竇泉述書賦評已見

注云今見章草書寫父雜表一首四十三行草書

八紙

郗曇

郗曇字重熙鑒之次子也除北中郎將徐兗二州刺

史謚曰簡

晉書
本傳

竇泉述書賦評已見

注云今見具姓名草書一紙四行

郗超

郗超字景興一字嘉賓愔之長子也桓溫辟為掾轉

參軍至臨海太守

晉書本傳

郗超晉中書郎亦善草愔子也

羊欣撰錄

郗超草書亞於二王緊媚過其父骨力不及也

王僧虔論

書

庾肩吾書品列中之下

李嗣真後書品列中上品

竇泉述書賦評已見

注云今見具姓名行草書共四紙

郗儉之

郗儉之字處約曇之子晉太子率更令

述書賦注

竇泉述書賦評見二百八十五卷

注云今見具姓名草書兩紙

郗恢

郗恢字道胤曇之子也領秦州刺史加督隴上軍尋

以為尚書

晉書本傳

竇泉述書賦評已見

注云今見具姓名草書及行書共兩紙

何充

何充字次道廬江潯人風韻淹雅文義見稱錄尚書

事加侍中永和中卒贈司空謚文穆

晉書本傳

竇泉述書賦評已見

注今見帶名行書三行

熊遠

熊遠字孝文豫章南昌人也拜太常卿加散騎常侍

晉書
本傳

竇泉述書賦評已見

注云今見具姓名正書啟七紙

應詹

應詹字思遠汝南南頓人魏侍中璩之孫也詹督五

郡軍事與陶侃破杜弢於長沙金寶濫目詹一無所
取唯收圖書莫不歎之封觀陽縣侯至平南將軍江
州刺史謚曰烈

晉書
本傳

竇泉述書賦評已見

注云今見草表帶名二紙共一十七行

詹思遠善作草草字肥整整斜斜直有晉人風度世
之論字者多病肥瘦而不知肥之病在于剝肉而瘦
之病在於露骨肥不剝肉瘦不露骨則於佳處自初

不相妨也若以俗子為之則肥亦病瘦亦病此深不
知書者所以昔人於師資形容之際或得其骨或得
其肉而不聞偏勝者良有以耳如思遠者字雖肥而
氣古書雖草而法完所謂得其肉而善學者也雖然
語古作者亦幾何哉今御府所藏章草一清佳帖

書譜

宣和

案應詹字思遠已見述書賦此云詹思遠似是書

譜之誤

陶侃

陶侃字士行本鄱陽人也性聰敏遠近書疏莫不手
答筆翰如流未嘗壅滯為侍中太尉封長沙郡公謚

曰桓

晉書
本傳

竇泉述書賦評已見

注云今見帶名正書一紙十行

葛洪

葛洪字稚川丹陽句容人也少好學家貧伐薪以貿

紙筆夜輒寫書誦習爵闕內侯咸和初遷諮議參軍

求為句漏令

晉書

葛洪天台之觀飛白為大字之冠古今第一

米芾書史

葛洪著要用字苑一卷

王

王隱

王隱字處叔陳郡陳人也博學多聞元帝以為著作

郎撰晉史爵平陵鄉侯黜歸無資庾亮供其紙筆書

乃得成詣闕上之

晉書本傳

王隱好填書

墨數

羊固

羊固善草行著名一時渡江累遷黃門侍郎贈大鴻

臚

文字志

張興

張興字公安范陽方城人華之孫襲華爵過江辟丞

相掾太子舍人

晉書張華傳

庾肩吾書品列下之中

庾亮

庾亮字元規隨父琛在會稽元帝甚器重之明帝即位以為中書監封永昌郡公為司徒揚州刺史錄尚

書事贈太尉謚文康

晉書本傳

潁川庾亮晉太尉善草行

羊欣撰錄

庾亮書亦能入錄

王僧虔論書

庾肩吾書品列中之下

庾亮帖跋 吳道子始見張僧繇畫曰浪得名耳已

而坐卧其下三日不能去庾征西初不服逸少有家

雞野鷺之論後乃以為伯英再生今不逮子敬甚遠

正可比羊欣耳

東坡集

庾懌

庾懌字叔預少以通簡為兄亮所稱遷輔國將軍豫

州刺史進號西中郎將謚曰簡

晉書本傳

庾肩吾書品

竇泉述書賦評已見

注云今見正行書帶名一紙四行

庾翼

庾翼晉荊州刺史善隸行時與羲之齊名亮弟也

羊欣

撰錄

庾征西翼書少時與右軍齊名右軍後進庾猶不忿在荊州與都下書云小兒輩乃賤家雞皆學逸少書

須吾還當比之

王僧虔論書

庾翼字稚恭潁川鄆陵人明穆皇后弟安西將軍荊州刺史善草隸名亞右軍兄亮字元規亦有書名嘗

就王右軍求書逸少荅云稚恭在彼豈復假此復以
章草荅亮示翼乃大服因與王書云吾昔有伯英章
草十紙因喪亂遺失嘗謂人曰妙迹永絕今見足下
荅家兄書煥若神明頓還舊觀永和九年卒年四十

一書
斷

庾翼字稚恭潁川人官至征西將軍荊州刺史善草
隸與王羲之並馳爭先方羲之學者多所崇重翼多
所不平因寄書昆弟輩曰可謂憎家難愛野雉也兄

亮字元規亦有書名嘗就羲之求書法羲之荅云稚
恭在彼豈復假此是知翼之書固自超絕其為當日
書家名流所推先如此其自許亦甚高要是其所得
非晚生後學淺淺所能追逐也今御府所藏二草書

步征帖

行書盛事帖

宣和
書譜

庾肩吾書品列中之上論見二百八十二卷

李嗣真後書品列上下品

竇泉述書賦評見二百八十五卷

注云今見草書四紙共二十六行具姓名正書一

帖三行

庾翼有芝英章草十紙

玉海

庾冰

庾冰字季堅兄亮常以為庾氏之寶康帝即位進車

騎將軍謚忠成

晉書本傳

庾冰亦善書

書史會要

庾準

庾準字彥祖希子亮孫晉豫州刺史

述書賦注

竇泉述書賦評已見

注云今見具姓名草書一紙凡八行

范汪

范汪字元平雍州刺史晷之孫也

述書賦注順陽人

六歲過

江依外家新野庾氏及長好學然薪寫書寫畢誦讀

亦通後至安北將軍徐充二州刺史贈散騎常侍謚

曰穆

晉書本傳

實泉述書賦評已見

注云今見具姓名正書謝賜瓜啟四行

范甯

范甯字武子汪之次子也補豫章太守免官家於丹

陽

晉書
本傳

實泉述書賦評已見

注云今見帶名正書啟二紙共二十一行

王允之

王允之衛軍將軍會稽內史善草行舒字也

羊欣撰錄

王允之善草隸官至衛將軍

書斷

丁潭

丁潭字世康會稽山陰人也官至散騎常侍贈侍中

大夫謚曰簡

晉書本傳

竇泉述書賦評已見

注云今見正草書各一紙共十行

李充

李充字宏度江夏人父矩充善楷書妙參鍾索世咸

重之始辟丞相王導掾累遷中書侍郎

晉書本傳

衛夫人子充為中書郎亦工書

書斷

李式

李式充之從兄也江夏鍾武人善楷隸中興初仕至

侍中

晉書

江夏李式晉侍中善隸草弟宗子公府能名同式

羊欣

錄撰

李式字景則江夏鍾武人官至侍中衛夫人之猶子也甚推其叔母善書右軍云李式平南之流亦可比庾翼咸熙三年卒年五十四隸草入能書

斷

庾肩吾書品列中之上

李嗣真後書品列上下品

李獻

李獻字宗子江夏鍾武人好學善草隸與兄式齊名健疾不能行坐常仰卧彈琴獻嘗為二府辟號李公

府

文字志

荀輿

荀輿字長肩能書嘗寫狸骨方右軍臨之至今謂之

狸骨帖

李綽尚書故實

庾肩五書品列上之下

荀輿草書隸書俱入妙

書斷

王廙

王廙字世將導之從弟而元帝姨弟也少能屬文工

書畫封武陵縣侯敦以廙為平南將軍贈侍中驃騎將

軍謚曰康

晉書
本傳

瑯琊王廙晉平南將軍荊州刺史能章楷傳鍾法

羊欣

撰
錄

王平南廙是右軍叔自過江東右軍之前惟廙為最

畫為晉明帝師書為右軍法

王僧虔
論書

王廙字世將瑯琊臨沂人祖覽父正尚書郎導從父

之弟也官至平南將軍荊州刺史侍中逸少之叔父

工於草隸飛白祖述張衛遺法自過江右軍之前世
將書與荀勗畫為明帝師其飛白志氣極古垂鵬鶚
之翅羽類旌旗之卷舒時人云王廙飛白右軍之亞
永昌元年卒年四十七世稱飛白入妙隸入能書

斷

王廙字世將瑯琊臨沂人也官至平南將軍荊州刺
史少能屬文工書畫至音律射御游藝無不精絕作
草隸飛白得張芝衛瓘遺法自過江右軍之前世將
書與荀勗畫為世所重嘗屬羲之曰吾無殊功異業

與後人師法惟書畫可傳其自許如此王僧虔謂虞
書為右軍法亦知其自信之篤也獨其草書為世所
傳今御府所藏四草書仲春帖章草鄭夫人帖行書

賀雪帖嫂何如帖

宣和
書譜

庾肩吾書品列中之中

李嗣真後書品列上下品

虞得索靖書七月二十六日帖一紙每寶玩之永嘉

中乃四疊綴衣中以渡江今疊蹟猶在

國史
興策

王曠

王曠淮南太守

晉書王曠之傳

曠導從弟與衛世為中表故得蔡邕書法於衛夫人

以授羲之

書史會要

曠子羲之七歲學書及年十二見前代筆論於曠枕中竊而讀之曠曰汝何來吾所數也羲之笑而不答其母曰汝年幼小看用筆法未能曉解縱獲父教恐復不能祕惜曠乃語羲之曰待汝成人吾當授汝羲

之拜曰願早授之使得成人已為暮學曠語以大綱

羲之學功日進

筆勢傳

張翼

張翼字君祖下邳人官至東海太守善隸草時穆帝
令翼寫王羲之手表穆帝自批其後羲之殆不能辨
真贋久乃悟云小人幾欲亂真王僧虔嘗謂羲之書
一朝人物莫有及者而翼之書遂能亂真故已咄咄
羲之矣蓋翼正書學鍾繇草書學羲之皆極精妙當

時與王脩江灌輩並馳爭先今觀其行書故可以想
見其他云今御府所藏行書一 舅氏帖

宣和
書譜

晉穆帝時有張翼善學人書寫羲之表表出經日不

覺後云幾欲亂真

羊欣
撰錄

張翼書右軍自書表晉穆帝令翼寫題後答右軍右

軍當時不別久方覺云小子幾欲亂真

王僧虔
論書

庾肩吾書品列中之下

李嗣真後品列中上品

寶泉述書賦評已見

注云今見具姓名正草書總三帖共十六行

許靜民

高陽許靜民鎮軍參軍善隸草羲之高足

羊欣撰錄

許靜民善題宮觀額將方直之體其草稍乏筋骨亦

景則之亞也

書斷

李嗣真書後品

作許靜

列中中品

謝尚

謝尚字仁祖鯢之子也秣陵人善音樂博綜衆藝永

和中拜尚書僕射贈散騎常侍衛將軍謚曰簡

晉書本傳

謝尚字仁祖秣陵人豫章太守鵬之子也官止尚書

僕射尚幼有至性穎悟絕倫脫落細行不為流俗之

事善音律博綜衆藝作草書深得昔人行筆之意論

者以比注飛澗之瀑溜投全牛之虛刃蓋得之矣司

徒王導深器之常以似王戎每呼為小安豐當時其

得譽如此今御府所藏草書一

餘寒帖

宣和書譜

竇泉述書賦評已見

注云今見具姓名草書一紙六行

謝奕

謝奕字無奕秣陵人官至安西將軍豫州刺史少有名譽初為剡令與桓溫善溫辟為安西司馬敦篤布衣之好於溫坐岸幘笑詠自若溫嘗曰我方外司馬也喜作字尤長於行書飄逸之氣入人眉睫故竇泉美之曰達士逸蹟乃推無奕毫翰云為任興所適又

見無奕之書不拘於俗學之妙而風氣自高當時以
為達士也初從兄尚為西州日有德政既卒州人思
之請以奕嗣尚遷都督豫司冀并四州事其知名縉
紳間有素如此今御府所藏行書一秋月帖宣和書譜
竇泉述書賦評已見

注云今見帶名行書一紙六行

謝安

謝安字安石陳郡陽夏人十八徵著作郎辭疾寓居

會稽與王逸少許詢桑門支遁等遊處十年累遷尚書僕射太元十年卒贈太傅謚文靖公年六十六人皆比之王導謂文雅過之學草正於右軍右軍云卿是解書者然知解書者尤難安石尤善行書亦猶衛洗馬風流名士海內所瞻王僧虔云謝安得入能書品錄也安石隸行草入妙凡尚字仁祖弟萬字萬石並工書

斷書

謝安字安石世為秣陵人官至太傅方時王謝兩族

各以文采相高而安於謝族尤主斯文盟會居伯仲
羣從間若師資禮嘗與王濛語濛曰此客宜疊為來
逼人王導亦深器之四十不仕高卧東山屢違朝旨
天下翕然有公輔望及起應辟為宰相當桓溫跋扈
談笑却之終至於帖然而後已符堅以百萬之衆飲
馬江左勢欲吞食晉國人心危甚而安用謝元輩親
授方略各當其任從容緩帶以威重壓浮議終至以
寡勝衆一掃而羣虜淨盡使東晉社稷增重九鼎皆

安之力也若其風氣蘊藉為名流所慕如數擁鼻揮
葵扇又其餘耳蓋是種種超詣每經意處便非他人
可到初慕羲之正草作字而羲之有解書之目後之
評其字者亦謂縱任自在若螭盤虎踞之勢要當入
能品也然其妙處獨隸與行草耳此所有惟行書為
多其家若尚若萬若道韞皆以書名世者信有自來

矣今御府所藏行書三中郎帖近問帖善護帖

宣和
書譜

陳郡謝安晉太傅善隸行

羊欣
撰錄

謝安亦入能流殊亦自重乃為子敬書程中散詩得

子敬之書有時裂作校紙

王僧虔論書

庾肩吾書品列中之上

李嗣真後書品列中中品

竇臯述書賦評已見

注云今見具姓名正書二紙三十行

謝萬

謝萬字萬石安之弟也散騎常侍

晉書本傳

謝萬字萬石官至豫州刺史其才器雋秀頗喜矜持
故早得時譽簡文帝作相時聞萬名召為撫軍從事
中郎萬著白綸巾衣鶴氅裘履版而前既見與簡文
共談移日其風致見重于時如此萬工言論善屬文
作字自得家學清潤遒勁風度不凡然於行草最長
惜其歲月之久少及見者獨鯁恨一帖尤著見於世
其亦魏晉以來流傳到眼者類及哀悼語此其然也

今御府所藏行書二 賢妹帖 鯁恨帖

宣和
書譜

任靖

任靖

見王愔文字志

陶弘景曰右軍書中給事黃門一紙治

廉滙一紙凡二篇並是謝安衛軍參軍任靖書

陶隱居集

庾肩吾書品列中之中

張嘉

張嘉字子勝官至光祿大夫善隸書羊欣云嘉師於

鍾氏勝王羲之在臨川也

書斷

張澄

張澄字國明吳郡人嘉之子晉光祿大夫

述書
賦注

張澄書當時亦呼有意

王僧虔
論書

竇泉述書賦評已見

注云今見咸康八年帶名正書上成帝啟一紙七
行

張彭祖

張彭祖吳郡人官至龍驤將軍善隸書右軍每見其
緘牘輒存而玩之夷齊雖賢若仲尼不言未能高舉

亦猶彭祖附青雲之士不泯於茲

書斷

孫綽

孫綽字興公楚之孫也為廷尉卿領著作綽少以文才稱於時文士綽為其冠溫王郗庾諸君之薨必須

綽為碑文然後刊石焉

晉書本傳

張懷瓘書估孫綽書入第四等

王彬之

王彬之字道生廣漢人何延之蘭亭記曰王羲之與

太原孫統孫綽王彬之等四十有一人脩被襪之禮

法書

要錄

王彬之書放縱快利筆道流便

梁武帝評書

許邁

許邁字叔元一名映丹陽句容人也永和二年移入

臨安西山有終焉之志乃改名元字遠遊羲之相與

為世外之交後莫測所終

晉書本傳

許邁書有晉人風致而尤清逸

書史會要

劉惔

劉惔字真長沛國相人也性簡貴與王羲之雅相友

善終丹陽尹

晉書本傳

竇泉述書賦評已見

注云今見具姓名行書及草各一帖共六行

王濛

太原王濛晉司徒左長史能草隸

羊欣撰錄

王濛字仲祖太原晉陽人官至長山令女為皇后贈

光祿大夫晉陽侯善隸書法於鍾氏狀貌似而筋骨不備永和三年卒年三十九隸章草入能衛臻陶侃

亞也

書斷

王濛字仲祖太原晉陽人也官贈司徒濛少時放縱不羈晚節克己勵行有風流美譽虛已應物思而後行喜怒不形於色美容居貧帽弊入市而市嫗悅其貌遺以新者時人以為達工隸書草法俱入能品王僧虔以謂可比庾翼議者不以為過論章草作人

字法嘗謂趙之欲利按之欲輕世以濛為知言然世所存者多行書王安石初學其書頗得筆意論者以為有橫風斜雨之勢則濛之書又可知矣今御府所藏行書一餘杭帖宣和書譜竇泉述書賦評已見

注云今見具姓名正書一紙二行

觀王濛書想見其人秀整幾所謂毫髮無遺恨者王荊公嘗自言學濛書世間有石刻南澗樓者似其苗

裔但不解古人所長乃爾難到山谷

集

王脩

王脩字敬仁小字荀子濛之長子也善隸書號曰流

奕清舉至中軍司馬

晉書
本傳

濛子瑯琊王文學善隸行與義之善故殆窮其妙早

亡未盡其美子敬每省脩書云咄咄逼人

羊欣
撰錄

王脩字敬仁濛之子也著作郎善隸求右軍書乃寫

東方朔畫贊與之昇平元年卒年二十四始王遵愛

好鍾氏書喪亂狼狽猶衣帶中盛尚書宣示帖過江
後與右軍乞敬仁敬仁亡其母見此書平生所好遂
以入棺殷仲堪亦敬仁之亞也

書斷

溫放之

溫放之嶠之子也至交州刺史

晉書溫嶠傳

竇泉述書賦評已見

注云今見草書具姓名二行

王述

王述字懷祖湛之孫承之子也至散騎常侍尚書令

贈侍中驃騎將軍謚曰簡

晉書本傳

竇泉述書賦評已見

注云今見具姓名草書一紙三行

王坦之

王坦之字文度述之子也徐兗二州刺史贈安北將

軍謚曰獻

晉書本傳

淳化閣帖三卷有行書四行

王綏

王綏字彥猷坦之之孫荊州刺史

晉書本傳

晉冠軍將軍會稽內史善隸行

羊欣撰錄

康昕

康昕字君明外國人官至臨沂令善隸書王子敬題

方山庭殿數行昕密改之子敬後過不疑又為謝居

士題畫以示子敬嘆其能

法書要錄

胡人康昕攻隸書草

羊欣撰錄

康昕學右軍書亦欲亂真與南州識道人作右軍書

貨之

王僧虔
論書

義興康昕與南州惠式道人俱學二王轉以己書貨

之世人或謬寶此迹亦謂為羊欣書

斷

庾肩吾書品列中之下

李嗣真後書品列中中品

劉瓌之

劉瓌之字元寶沛國人御史義城伯

述書
賦注

瓌之善八分大令既不肯書太極殿榜謝安乃令瓌
之以八分題之

東觀
餘論

竇泉述書賦評已見

注云今見帶名行書九行

六藝之一錄卷三百十九

欽定四庫全書

六藝之一錄卷三百二十

錢唐倪濤撰

歷朝書譜十

晉

韋昶

韋昶字文休，誕兄涼州刺史庾之元孫，官至潁州刺史，散騎常侍，善古文大篆。或問王右軍父子書名，以爲云何？曰：二王未足知書也。又妙作筆子敬得其

筆稱為絕世

書斷

太元中孝武帝改治宮室及諸廟門並欲使王獻之

隸草書題榜獻之固辭乃使劉瓌之以八分書之後

又以文休大篆改八分焉

法書要錄

庾肩吾書品列中之中

曹茂之

曹茂之字永叔

曹茂之小字蛭見世說新語注

彭城人仕至尚書郎

李志

李志字溫祖江夏鍾武人仕至員外常侍南康相

曹蜎李志與右軍同時書亦爭衡

墨池
璣錄

桓溫

桓溫字元子宣城太守彝之子也譙國龍亢人升平

中改封南郡公又加侍中大司馬太和四年領平北

將軍徐兗二州刺史追贈丞相

晉書
本傳

桓溫字元子譙國龍亢人官至丞相生未朞溫嶠見

之曰此兒有奇骨故以溫名之溫豪爽有風采姿辭

雄偉而面有七星劉惔嘗稱其眼如紫石稜鬚作蝟
毛磔斯亦見其異也然溫挺英邁之氣韞文武之才
籠絡賢傑駕馭英雄受寄扞城用恢威略功有可稱
者矣及總戎馬之權居形勢之地有睥睨窺覲之意
斯實斧鉞之所宜加人神之所同棄也溫墨蹟見於
世者尤少然頗長於行草觀其收東道表與夫法帖
石刻字勢道緊有王謝之餘韻亦其英偉之氣形之
於心畫也今御府所藏行書一東道表

宣和
書譜

寶泉述書賦評已見

注云今見行草書帶名四紙共三十行

桓大司馬每請顧長康與羊欣論書畫竟夕忘疲

世說

新語

桓元

桓元字敬道一名靈寶大司馬溫之孽子也元興二年元詐表請平姚興初欲飾裝無他處分先使輕舸載服玩及書畫等物元曰書畫服玩既宜恒在左右

脫有不意當先輕而易運衆咸策之元性貪鄙好奇異人士有法書好畫悉欲歸已猶難逼奪之皆蒲博

而取

晉書本傳

桓元書自比右軍議者未之許云可比孔琳之

王僧虔論

書

桓元者溫之子為義興太守篡晉伏誅嘗慕小王善於草法譬之於馬則肉翅已就蘭筋初生畜怒而馳日可千里洸洸赳赳實亦武哉非王之武臣即世之

刺客列缺吐火共工觸山尤剛健倜儻夫水火之性
各有所長火能外光不能內照水能內照不能外光
若包五行之秀則可謂通矣嘗與顧愷之論書至夜

不倦

書斷

庾肩吾書品列中之上

李嗣真後書品列中中品

桓元愛重書法每讌集輒出法書示賓客客有食寒
具者仍以手捉書大點汚後出法書輒令客洗手兼

除寒具

虞敘叙
二王書

顧愔之

顧愔之字長康晉陵無錫人博學有才氣義熙初為

散騎常侍

晉書
本傳

愔之字長康善書小字虎頭三絕癡書畫也

書
斷

戲鴻堂帖有女史箴真蹟十二行

殷仲堪

殷仲堪陳郡人也能清言善屬文為荊州刺史

晉書
本傳

仲堪書亦王敬仁之亞

書斷

諸葛長民

諸葛長民瑯琊陽郡人也為豫州刺史領淮南太守

晉書
本傳

長民亦善行草論者以為范曄之流也長民官至前

將軍義熙八年伏誅

書斷

竇泉述書賦評已見

注云今見具姓名行書一紙六行

盧循

盧循字子先小名元龍諶之曾孫也善草隸奕棋之

藝元興中假循廣州刺史

晉書本傳

盧循素善尺牘尤珍名法

虞蘇論書表

江灌

江灌字道羣陳留圉人也少知名溫末年為諮議參

軍後出為吳郡太守未拜卒

晉書本傳

竇泉述書賦評已見

注云今見帶名行書一紙七行

袁山崧

袁山崧陳郡陽夏人博學有文章為吳郡太守

晉書本傳

袁昂書評見前

李嗣真後書品列下上品

謝靜

謝靜謝敷並善寫經亦入能境居鍾毫之美邁古流
今是以征南還有所得辱告並五紙舉體精雋靈奧

執翫反覆不能釋手雖太傅之婉媚翫好領軍之靜

逖荅緒方之茂如也

王僧虔論書

謝敷

謝敷字慶緒會稽人入太平山十餘年郡愾召為主

簿臺徵博士皆不就

晉書本傳

會稽隱士謝敷善隸草

羊欣撰錄

戴逵

戴逵字安道譙國人也工書畫總角時以雞卵汁澣

白瓦屑作鄭元碑又為文而自鑄之詞麗器妙性不

樂當世常以琴書自娛孝武帝時累徵不就

晉書本傳

戴公從東出謝太傅往看之見但與論琴書戴既無

吝色而談琴書愈妙

世說新語

呂忱

晉呂忱字伯雍博識文字撰字林五篇萬二千八百餘字字林則說文之流小篆之工亦許叔重之亞也

書
斷

劉訥

劉訥字行仁瑯琊人晉散騎常侍

實泉述書賦評已見

注云今見康帝啟四紙共有三十五行也

訥師鍾繇始終規矩

書史會要

劉劭

劉劭字彥祖彭城人有才幹咸康世歷御史中丞侍

中尚書豫章太守

晉書劉
隗傳

劉劬字彥祖官至御史中丞遷侍中善小篆工飛白
雖不及張毛亦一時之秀作飛白勢永和八年卒小

篆飛白入能

書斷

柳詳

柳詳亦善飛白彥祖之亞也

書斷

陳逵

陳逵字林道潁川許昌人少有幹以清敏立名襲封

廣陵縣公黃門郎西中郎將領梁淮南二州太守

陳逵

別傳

陳達無傳於史其書不多見作行草古而腴肥而不
剝肉雖未足以追配昔人要之蓋嘗論學又復不惡
亦自可珍至于草字則飄發不滯稍有羲獻之風亦
非規矩形容王氏者至其合處乃有一斑雖欲勿取
其可捨諸雖然於衆人則有餘於作者則不足故其
書名獨不赫然與前人爭長宜哉

宣和
書譜

淳化閣帖四卷有陳達書題作陳人黃伯思刊誤

云陳遼晉西中郎將也云陳朝陳遼誤矣

劉恢

劉恢字道生沛國人為車騎司馬贈前將軍

宋明帝
文章志

張懷瓘書估劉恢書入第三等

法書
要錄

岑淵

岑淵吳郡人大元中任內史

庾肩吾書品列下之中

張越

張越燉煌人仕至梁州刺史善草書

斷書

韋宏

韋宏字叔思位至原州刺史善隸書

斷書

韋季

韋季字成宏弟為平西將軍善隸書

斷書

沈嘉

字長茂吳郡人吳興太守

竇泉述書賦評已見

注云今見具姓名草書共三行

劉璞

劉璞字子成南陽人晉光祿勳即得道南嶽魏夫人之子

實泉述書賦評

注云今見具姓名行書及草兩紙共二十行

劉歊

劉歊字季舒會稽人晉光祿大夫

竇泉述書賦評已見

注云今見書名啟一紙也

謝藻

謝藻字叔文會稽人中書侍郎

竇泉述書賦評已見

注云正書啟兩段合為一紙五行其半先在官半
在外及得之勘合如一

宋珽

宋琰廣平人晉相府參軍

竇泉述書賦評已見

注云今見行書具姓名凡四行

謝璠伯

謝璠伯晉散騎常侍

劉次莊法帖釋文

謝璠伯善行草

書史會要

向泰

庾肩吾書品列下之上

費元瑤

庾肩吾書品列下之上

張炳

庾肩吾書品列下之中

虞安吉

虞安吉晉人正草大篆品上之下

韋續九品
書人論

謝發

謝發善行草

書史
會要

淳化閣帖三卷有行書六行

李韞

陳基

傅廷堅

張紹

陰光

曹任

宋嘉

孔閭

辟閭訓

張熾

周仁皓

已上十一人庾肩吾書品俱列下之下

滿爽

裴興

俱見王愔文字志

楊羲

楊羲字義和吳郡人

述書賦注作宏農人

徙家句容幼而通靈

美姿容善言笑工書畫與王右軍並名海內

良常仙系記

楊君書最工不今不古能細能大大較雖祖述郗法

筆力規矩兼於二王

陶隱居論三仙君真蹟

興寧二年上真南嶽魏夫人降丹陽之句曲山以上

清諸真經授弟子琅邪王公府舍人楊君使作隸書

出以授護軍長史許君父子

真誥

楊書以郗氏為師不學右軍父子然翩翩有冲霄之

度

書畫眼

寶泉述書賦評已見

注云今見行書帶名六行

許穆

許穆字思元邁第五弟丹陽句容人官至護軍長史

散騎侍郎

雲笈
七籤

長史章草正書古拙

陶隱居論三
仙君真蹟

許翹

許翹字道翔小字玉斧穆第三子司徒辟掾不就隱

居茅山師楊羲

雲笈
七籤

許掾書乃是學楊而字體勁利偏善寫經畫符與楊相似鬱勃鋒勢殆非人功所逮

陶隱居論三仙君真蹟

南嶽魏夫人

南嶽魏夫人諱華存字賢安位紫虛元君領上真司

命

真靈位業圖

魏夫人左僕射舒之女太保公掾南陽劉幼彥之室

光祿勳璞之母天才卓異少讀莊老及春秋二傳五

經百子後修真得道夫人善書

書史會要

式道人

歐陽通云式道人右軍之甥與王無別

書斷

庾肩吾書品列下之上

僧岳道人 法高道人

庾肩吾書品列下之下

衛夫人

鍾繇傳之衛夫人衛夫人傳之王羲之

傳授筆法人名

晉中書郎李充母衛夫人善鍾法王逸少之師

羊欣撰錄

衛夫人名鑠字茂猗廷尉展之女弟恒之從女汝陰
太守李矩之妻也隸書尤善規矩鍾公云碎玉壺之
冰爛瑤臺之月婉然芳樹穆若清風右軍少常師之
永和五年卒年七十八子克為中書郎亦工書
庾肩吾書品列中之上

李嗣真後書品列上下品

郗夫人

郗夫人王羲之之妻也甚工書

孔元舒
在窮記

書
斷

謝夫人

王凝之妻謝氏字道韞安西將軍奕之女也

晉書列女傳

道韞有才華亦善書為舅氏所重

王羲之外傳

李嗣真後書品列中下品

傅夫人

傅夫人郗愔之妻也善書

書斷

傅夫人正隸品下之上

韋續九品書人論

荀夫人

荀夫人王洽之妻也亦善書

書斷

汪夫人

汪夫人王珉之妻也善書

書斷

荀夫人

荀夫人庾亮妻正行篆隸品上之下

九品書人論

蔡夫人

蔡夫人羊衡母正書品上之中

九品書人論

李氏

李氏意如廣漢人王獻之保母也善屬文能草書

九品

書人論

趙

崔悅

崔悅字道儒清河東武城人仕石季龍位司徒司右

長史以才學稱

北史崔宏傳

悅與范陽盧諶並以博藝齊名諶法鍾繇悅法衛瓘而俱習索靖之草皆盡其妙諶傳子偃偃傳子邈悅

傳子潛潛傳子宏世不替業

北史崔浩傳

盧諶

盧諶字子諒志長子也好老莊善屬文初為劉琨從

事中郎後為石季龍中書監

晉書

諶以父法鍾繇書子孫傳其業累世有名

尚友錄

燕

盧偃

盧偃諶第四子博學善隸書有名於世仕慕容氏位

給事黃門侍郎營邱成周二郡守

北史盧
誕傳

盧邈

盧邈偃長子仕慕容氏為范陽太守以儒雅稱初謚

父志法鍾繇書子孫傳業累世有能名至邈以上兼

善草蹟

北史

崔潛

崔潛悅子仕慕容暉為黃門郎以才學稱

北史崔
宏傳

潛為兄渾等誅手筆本草延昌初著作郎王遵業買

得之寶其書迹深秘藏之武平中姚元標以工書知名見潛書以為過於已也

北史崔浩傳

六藝之一錄卷三百二十

欽定四庫全書

六藝之一錄卷三百二十一

錢唐倪濤撰

歷朝書譜十一

宋

劉穆之

劉穆之字道和小字道人東莞莒人也世居京口穆之與朱齡石並便尺牘嘗於武帝坐與齡石並答書自旦至日中穆之得百函齡石得八十函而穆之應

對無廢裁有閒暇手自寫書尋覽篇章校定墳籍在
晉至左僕射宋武表贈侍中司徒封南昌縣侯宋受
禪追封南康郡公謚文宣

南史
本傳

庾肩吾書品列下之中

李嗣真後書品列下下品

竇泉述書賦評已見

注云今見具姓名行書一紙六行

朱齡石

朱齡石字伯兒沛國沛人也封豐城侯為雍州刺史

南史
本傳

庾肩吾書品列下之中

王曇首

王曇首太保宏之弟也幼有素尚兄弟分財獨取圖書而已文帝即位為侍中追封豫寧縣侯謚曰文

南史

本傳

王曇首琅琊臨沂人官至侍中平時沈毅雍容喜愠

不見於色人謂有宰相器兄弟分財獨取圖書以歸
至於金壁手未嘗持也方太祖初登九五而曇首與
從兄華皆為佐命功臣邁風雲之會確然以社稷為
己任亦霸者之佐也其行草字雖未足以與古人方
駕要之是一代宗臣而人物典刑千古如在況其行
筆痛快亦自有可觀者今御府所藏草書一餘念

帖
宣和
書譜

王微

王微字景元宏弟光祿大夫孺之子也少好學善屬

文工書為中書侍郎贈祕書監

南史本傳

徐羨之

徐羨之字宗文東海郟人也武帝即位封南昌縣公

揚州刺史

南史本傳

庾肩吾書品列下之下

王裕之

王裕之字敬宏廡之曾孫名與宋武帝諱同故以字

行官至開府儀同三司謚文貞

南史本傳

竇泉述書賦評已見

注云今見具姓名草書一紙四行

裴松之

裴松之字世期河東聞喜人也博覽墳籍立身簡素

上使注陳壽三國志後為南琅邪太守致仕進大中

大夫

南史本傳

竇泉述書賦評已見

注云今見具姓名章草書慰勞文一卷二十四行

宗少文

宗少文南陽涇陽人也妙善琴書圖畫元嘉中頻徵

不應

南史

宗炳出九體書所謂縑素書簡奏書牋表書弔記書

行狎書檄書藁書半草書全草書此九法極真草書

之次第

庚元咸
論書

李嗣真後書品列中下品

謝靈運

謝靈運陳郡陽夏人襲封康樂公靈運詩書皆兼獨
絕每文竟手自寫之文帝稱為二寶後為永嘉太守

臨川內史

南史
本傳

謝瞻與從叔琨族弟靈運俱有盛名嘗作喜霽詩靈
運寫之琨詠之王宏以為三絕

南史謝
瞻傳

謝靈運書乃不倫過其合時亦得入流昔子敬上表
多於中書雜事中皆自書竊易真本相與不疑元嘉

初方就索還上謝太傅殊禮表亦是其例親聞文皇

說此

王僧虔
論書

謝靈運母劉氏子敬之甥故靈運能書而特多王法

虞辭論

書表

謝靈運會稽人祖元父瑛靈運官至秘書監侍中康

樂侯模憲小王真草俱美石蘊千年之色松低百尺

之柯雖不逮師歛風吐雲簸蕩川岳其亦庶幾虞和

云靈運子敬之甥故能書特多王法元嘉十年年四

十九以罪棄廣州市隸草入妙

書斷

謝靈運陳郡陽夏人也祖元父瑛瑛生而不慧早亡
元嘗謂人曰我乃生瑛瑛那得生靈運其為元所器
如此靈運少好學博綜羣書作為文辭擅江左之譽
學王羲之真草俱造其妙或謂獻之靈運舅也故其
得法為精凡獻之所上表章多在中書雜事中靈運
模臨亂真因以已書易其本人莫能辨然稍有知之
者後至元嘉中有司就索始進上當時靈運為一代間

人凡衣服器用一有製作世共宗之如郭泰折角巾也至不名之皆曰謝康樂云康樂者靈運之侯封也作草字尤為人所推與有評其詩者謂如石色松幹吹翕風雲簸蕩川岳則清雄可見也然蕭散氣韻則恐此不足盡之徒能狀其奔放耳靈運官至中書侍郎其出處始末自有傳今御府所藏草書一古詩

帖
宣和
書譜

庾肩吾書品列下之上

李嗣真書後品列中下品

竇泉述書賦評已見

注云今見帶名行書七行

謝方明

謝方明陳郡陽夏人宋武帝受命為侍中丹陽尹轉

會稽太守

南史本傳

竇泉述書賦評已見

注云今見帶名正書籤三行

謝綜

謝綜述子陳郡陽夏人綜有才藝善隸書為太子中

舍人

南史

謝綜書其舅

范曄

云緊潔生起實為得賞至不重羊欣

欣亦憚之書法有力恨少媚好

王僧虔論書

羊欣

羊欣字敬元泰山南城人也少靖默美言笑善容止

泛覽經籍尤長隸書年十二王獻之甚知愛之欣嘗

夏月著新絹裙晝寢獻之書裙數幅而去欣書本工
因此彌善會稽王世子元顯令書扇常不奉命除中
散大夫素好黃老常手自書章

南史
本傳

羊欣邱道護並親授於子敬欣書見重一時行草尤

善正乃不稱

王僧虔
論書

羊欣字敬元官至中散大夫義興太守師資大令時
亦衆矣非無雲塵之遠若親承妙旨入於室者唯獨
此公亦猶顏回與夫子有步驟之近槭若嚴霜之林

婉似流風之雪驚禽走獸絡繹飛馳亦可謂王之蓋
臣國之元老沈約云敬元尤善於隸書子敬之後可
以獨步時人云買王得羊不失所望今大令書中風
神怯者往往是羊也元嘉十九年卒年七十三敬元

隸行草入妙

書斷

羊欣字欽元泰山南城人少沈靜不為物忤而談論
絕人容止可觀該博經史尤長於隸書父不疑為烏
程令欣隨之官年十二頗為王獻之所知方時獻之

為吳興太守嘗因夏月入縣值欣晝寢著新練裙獻之書裙數幅而去既覺視裙書有得欣本工書因此彌善然恬退私門無仕進意會稽王世子元顯嘗使欣書扇欣以他辭却之不肯奉命元顯怒以為後軍府舍人舍人之職本用寒素欣知名當世屈為此官不以高卑見於顏色論者偉之然其學出於獻之當時謂獻之之後可以獨步故諺曰買王得羊不失所望茲可以見矣而論者謂欣學獻之如顏回與夫子

有步趨之近號雖入室終不能度越獻之規矩使洒落奔放自成一家故又有婢作夫人之謂以其舉止羞澀終不似真豈謂是耶欣賞譔續筆陣圖一卷又譔古今能書人名一卷以此尤見其用心焉官至中散大夫今御府所藏草書一筆精帖

宣和書譜

表昂書評已見

庾肩吾書品列中之上

李嗣真後書品列上下品

寶泉述書賦評已見

注云今見正行草具姓名書二十餘紙

羊敬元書出子敬不忘本分薄敬叔書後學大令雖其纖圓骨力克成但乏神明爾然二者同出不能相遠豈書法果自有所至耶後世論欣書謂舉止羞澀紹之之書功力不足皆失其實也當在南朝時買王得羊不失所望謂紹之駕友凌師豈偶然者耶張懷瓘謂薄紹之羊欣王僧辨康昕王右軍亦欲混其臭

味是以二王帖中多有偽蹟觀此帖其有所稽矣唐貞元中欣書得正行纔二十餘紙紹之行書四紙僅存不知此帖在唐錄中為第幾紙今世藏書家類無

二人書此其可祕也

廣川書跋

孔琳之

孔琳之字彥琳會稽山陰人也少好文義解音律能

彈碁妙善草隸宋永初中為祠部尚書贈太常

南史本傳

孔琳之書天然絕逸極有筆力規矩恐在羊欣後又

云孔琳之書放縱快利筆道流便二王後略無其比
但工夫少自任故未得盡其妙故當劣於羊欣

王僧虔論

書

孔琳之字彥琳會稽山陰人父廡彥琳官止祠部尚
書善草行師於小王稍露筋骨飛流懸勢則呂梁之
水馬時稱曰羊真孔草又以縱快比於桓元景平元
年卒年五十五行草入妙妻謝氏亦善書

書斷

孔琳之好文博古至於音律之習無不超詣作行草

度越流輩方時以剛正自力不能阿諛當前者故奄奄衆人後至於作字之工人不得而掩遏也議者以爲飛流垂勢則呂梁之水焉二王已後略無其比王僧虔亦謂琳之書天然絕逸極有筆力蓋其所養豪放耻事遲拙故筆端流暢快健若不凝滯於物者或以爲功夫少此又春秋責備之法也今御府所藏草

書一

日月帖

宣和
書譜

庾肩吾書品列中之上

實泉述書賦評已見

注云今見具姓名正行書三紙共二十行

蕭思話

蕭思話南蘭陵人宋孝懿皇后弟子也工隸書善彈

琴後拜郢州刺史贈征西將軍謚曰穆侯

南史本傳

蕭思話全法羊欣風流趣好殆當不減而筆力恨弱

王僧虔

論書

宋蕭思話蘭陵人父源思話官至征西將軍左僕射

工書學於羊欣得其體法行草連岡盡望勢不斷絕
雖無奇峰壁立之秀亦可謂有功矣王僧虔云蕭令
法羊欣風流媚態殆欲不減筆力恨弱袁昂云羊真
孔草蕭行范篆各一時之妙也然上方琳之不足下
方范眊有餘喻之於元蓋緇緇間耳孝建二年卒年

五十

書斷

蕭思話南蘭陵人官至侍中方十許歲時未知書以
博奕遊遨為事好騎屋棟打腰鼓侵惱鄰里人多患

之稍長遂折節讀書作字於是聲譽藉甚初學書於
羊欣下筆綿密娉婷當時有鳬鷗雁鷺游戲沙汀之
比至于行草之工則有連岡畫壁勢不斷絕之妙其
風流媚好殊不在羊欣下故蕭行范篆羊真孔草所
以著論於袁昂也然所得乃其正書耳今御府所藏

正書一 奏事帖

宣和
書譜

袁昂書評已見

庾肩吾書品列下之上

李嗣真書後品列下中品

竇泉述書賦評已見

注云今見帶名正書啟兩紙共十三行具姓名行
書三行

范煜

范煜字蔚宗小字博泰第四子順陽人也少好學善
為文章能隸書曉音律累遷左衛將軍太子詹事及
入獄上有白團扇甚佳送煜令書出詩賦美句煜受

昔援筆而書曰去白日之昭昭襲長夜之悠悠上循
覽悽然睚自序云吾書雖小小有意筆勢不快餘竟
不成就每愧此名

南史本傳

范煜與蕭思話同師羊欣然范後背叛皆失故步名

亦稍減

王僧虔論書

范煜字蔚宗官至太子詹事工於草隸小篆尤精師

範羊欣不能偶拔永嘉二十年伏誅

書斷

羊真孔草蕭行范篆各一時絕妙

表昂書評

庾肩吾書品列下之上

李嗣真書後品列下中品

竇泉述書賦評已見

注云

缺

薄紹之

薄紹之字敬叔丹陽人官至給事中善書憲章小王
風格秀異若干將出匣光芒射人魏武臨戎縱橫制
敵其行草個儻時越羊欣若用力取之則真正懸隔

敬叔隸行草入妙書

斷

薄紹之字欽叔丹陽人也善書初學王獻之綽有風格其作草字至自得處則馳騁步驟光彩發越照映四座然論其書者乃謂骨力猶稚何哉蓋知其學以王氏為源而紹之為流派也至袁昂評其字勢則謂如舞女低腰仙人嘯樹以是言之則必以婉麗清閒為主矣安得發越照映如前所云然終繼之乃云揮毫振紙若疾閃飛星婉麗清閒所以論其常而發越

照映所以言其變此心畫之妙兼得乎為人耳紹之

官至給事中今御府所藏草書二日寒帖千文

宣和書譜

袁昂書評已見

庾肩吾書品列下之上

竇泉述書賦評已見

注云今見具姓名行書四紙共二十八行

邱道護

邱道護烏程人也善隸書便書素時司馬珣之為吳

興羊欣弟倫為臨安令欣過吳興看弟珣之乃以道
護素書洛陽賦示欣欣咨嗟其工以為勝己官至相

國主簿

書斷

邱道護與羊欣俱面授子敬故當在欣後邱殊在羊

欣前

王僧虔
論書

李嗣真書後品列中品

賀道力

賀道力會稽山陰人善三禮有盛名仕宋為尚書三

公郎建康令

南史賀瑒傳

甯貞述書賦評已見

注云今見具姓名章書二紙共二十行

顏騰之

顏騰之字宏道巴陵太守度支校尉善草隸書有風

格

顏真卿家廟碑

顏騰之賀道力並善尺牘

王僧虔論書

張茂度

張裕字茂度吳郡吳人也名與宋武帝諱同故以字
行曾祖澄祖彭祖元嘉十八年除會稽太守謚恭子

南史
本傳

竇泉述書賦評已見

注云今見具姓名行草書兩紙共十行

張永

張永字景雲茂度第三子永涉獵書史能為文章善
隸書騎射雜藝觸類兼善又有巧思為文帝所知紙

墨皆自營造上每得永表啟輒執玩咨嗟自歎供御者了不及也元徽二年為征北將軍南兖州刺史

南史

本傳

竇泉述書賦評已見

注云今見正行草書五紙共三十行

謝莊

謝莊字希逸宏微子也七歲能屬文及長韶令美容儀明帝時加金紫光祿大夫中書令散騎常侍謚憲

子

南史本傳

謝莊詩帖於新都汪景淳得摹本未見真蹟書法似閣帖所謂蕭子雲者小加妍雋宋高宗書近之其昌

顏竣

顏竣字士遜延之之長子也瑯邪臨沂人大明元年

為東陽州刺史

南史本傳

竇泉述書賦評已見

注云今見具姓名行書一紙五行

孟覲

孟覲字彥重平昌安邱人衛將軍昶弟也昶覲並美風姿時人謂之雙珠歷左光祿大夫終會稽太守

南史

謝靈運傳

袁昂孟光祿書評已見

陶貞寶

陶貞寶字國重

陶宏景父

孝昌令善篆隸書家貧以寫經

為業一紙直價四十書體以羊欣蕭思話為法

華陽隱居

錄

江僧安

江僧安夷之弟濟陽考城人宋太子中庶子子智深

南史江
智深傳

竇泉述書賦評已見

注云今見具姓名行書一紙八行

垣護之

垣護之字彥宗略陽人也大明中為豫州刺史謚壯

侯南
史

竇泉述書賦評已見

注云今見具姓名行書一紙四行

徐爰

徐爰字長玉南瑯邪開陽人也本名瑗為濟南太守

除中散大夫

南史
本傳

竇泉述書賦評已見

注云今見正書具姓名上明帝啟一紙五行

徐希秀

徐希秀爰子甚有學解亦閑篆隸正覺禪靈二寺碑

即希秀書也位驍騎將軍淮南太守

南史徐爰傳

庾肩吾書品列中之下

竇臬述書賦評已見

注云今見具姓名行書草書兩紙共十二行

巢尚之

巢尚之魯郡人元嘉中侍始興王濬讀書涉獵文史

為上所知名帝初累遷黃門侍郎出為新安太守

南史

戴法興傳

竇泉述書賦評已見

注云今見帶名行書七行

孫奉伯

孫奉伯淮南太守詔與巢尚之徐希秀科簡二王書

評其品題

虞龢論書表

庾肩吾書品列下之上

虞繇

虞繇宋中書侍郎上明皇帝表論古今妙蹟正行草楷紙色標軸真偽卷數無不畢備表本行於世真蹟

故起居舍人李造得之

述書賦注

虞繇法書目錄六卷

唐書藝文志

戴延壽

戴延壽會稽山陰人也家貧父碩子以販絲為業三

兒並修立延壽善書法興好學

南史戴法興傳

王道迄

王道迄吳興烏程人涉學善書形貌又美吳興太守

王韶之謂人曰有子弟如王道迄無所少始興王濬

以為世子師以書補中書令史

宋書王
道隆傳

褚欣遠

褚欣遠錢塘人善模書宋文帝云天下有五絕而皆

出錢塘謂杜道鞠彈碁范悅詩欣遠模書褚肩圍棋

徐道度療疾也

南史張
融傳

王惛

王惛魏平北將軍乂之子善草書

書史會要

宋王惛文字志三卷

法書要錄

王思元

王思元琅琊人宋南康太守

竇泉述書賦評已見

注云今見具姓名行書三行

龐秀之

龐秀之宋江州刺史

竇泉述書賦評已見

注云今見正書具姓名啟一紙十行

駱簡

駱簡字正祖丹陽人宋鉅野令

竇泉述書賦評已見

注云今見行書一紙五行有姚懷珍徐僧權等押

尾

王宏

王宏字休元瑯邪臨沂人晉丞相導之曾孫官至太

保中書監以清悟知名工於書翰人皆法之

書史
會要

張暢

張暢字少微吳郡人官至會稽太守有操行工書

書史

會
要

庾肩吾書品列下之下

王藻

王藻瑯琊臨沂人官至東陽太守工行草

書史
會要

謝晦

謝晦字宣明陳郡陽夏人官至荊州刺史涉獵文義

善書

書史
會要

張越

善書評者謂如蓮花出水明月開天露發金峯雲低

玉嶺

書史
會要

傅操

善書評者謂如金花鈿落偏地玲瓏荆玉分輝瑤岩

璀璨

同上

謝靜

謝靜善寫經亦入能境

書史會要

羊諮史稜

羊諮善草書史稜工隸行

書史會要

齊

王僧虔

王僧虔瑯邪臨沂人也善隸書宋文帝見其書素扇
歎曰非唯迹逾子敬方當器雅過之孝武擅書名僧
虔大明世常用掘筆書泰始中出為吳興太守王獻
之善書為吳興郡僧虔工書又為郡論者稱之齊太
祖善書與僧虔賭書畢曰誰為第一僧虔曰臣書第
一陛下亦第一上笑曰卿可謂善自為謀矣示僧虔
古蹟十一裘就求能書人名僧虔得民間所有裘中
所無者十二卷奏之又上羊欣所撰能書人名一卷

世祖即位遷侍中左光祿大夫開府儀同三司贈司

空謚簡穆著書賦傳於世

齊書本傳

僧虔嘗自書讓尚書令表辭制既雅筆迹又麗時人

以比王子敬

南史

齊王僧虔瑯邪臨沂人曾祖洽父曇首官至司空侍中善書宋文帝見其書素扇嘆曰非唯跡踰子敬方當器雅過之後孝武欲擅書名僧虔不敢顯跡大明之世常用拙筆書以此見容虞繇云僧虔尋得書術

雖不及古不減鄰家所制然述小王尤尚古宜有豐
厚淳朴稍乏妍華若溪澗含冰紈被雪雖甚清肅
而寡於風味子曰質勝文則野是之謂乎永明三年
卒僧虔隸行入妙草入能

書斷

王僧虔瑯邪臨沂人官至侍中曾祖洽以書稱於時
羲之洽之族弟獻之洽之族姪至僧虔家傳之學不
墜喜文史善音律作正書頗工初法獻之而尤尚古
直若溪澗含冰紈被雪雖極清肅而比獻之風流

蘊藉則所不逮宋孝武帝以書名自將僧虔祕而不
耀常用拙筆書祕而為自安計泰始中出為吳興太
守與獻之實接武郡人以為榮嘗為飛白題尚書省
壁曰圓行方止物之定質修之不已則溢高之不已
則慄馳之不已則躓引之不已則逸是故去之宜疾
當時嗟賞比座右銘今御府所藏正書二御史帖陳

情帖

宣和
書譜

庾肩吾書品列中之上

竇泉述書賦評已見

注云今見正書具姓名啟二併行書共十五紙

虎爪書王僧虔擬龍爪所作也

墨數

王慈

王慈字伯寶僧虔子少與從弟儉共書學謝鳳子超

宗詣慈慈正學書未即放筆超宗曰卿書何如虔公

慈曰慈書比大人如雞之比鳳超宗狼狽而退為東

海太守贈太常謚懿

南史

竇臯述書賦評已見

注云今見具姓名行書兩紙共二十五行

王儉

王儉字仲寶生而僧綽遇害為叔父僧虔所養幼篤學手不釋卷賓客或相稱美僧虔曰我不患此兒無名政恐名太甚耳乃手書崔子玉座右銘以貽之永明中開府儀同三司改領中書監贈太尉謚文憲儉寡嗜慾惟以經國為務手筆典裁為當時所重

南史本傳

寶泉述書賦評已見

注云今見署名啟行字而已

王僧祐

王僧祐字肩宗幼聰悟雅為從兄儉所重工草隸善鼓琴不交當世自天子至於侯伯未嘗與一人遊終

於黃門郎

南史本傳

王融字元長瑯邪臨沂人母謝惠宣女教融書學竟陵

王子良

王融圖古今雜體有六十四書

庾元威
論書

褚淵

褚淵字彥回河南陽翟人武帝時授司空侍中錄尚

書事謚文簡

齊書
本傳

竇泉述書賦評已見

注云今見具姓名草書二紙共一十三行

李嗣真書後品列下下品

褚貴

褚賁字尉先彥回長子齊武帝以為侍中左民尚書

南史

本傳

竇泉述書賦評已見

注云今見正書啟具姓名一紙凡八行

尉先書法和雅

書史會要

徐孝嗣

徐孝嗣字始昌小字遺奴東海郟人湛之之孫也封

枝江縣公位司空贈太尉謚文忠

齊書本傳

竇泉述書賦評已見

注云今見正書啟共二紙

到撫

述書賦注誤作劉撫

到撫字茂謙彭城武原人也襲爵建昌公宋明帝時
為太子洗馬才調流瞻善納交遊永明中遷五兵尚

書

齊書本傳

竇泉述書賦評已見

注云今見行書兩紙共二十行

顧寶先

庾肩吾書品誤作顧寶光

顧寶先吳郡吳人琛次子大明中為尚書水部郎

南史

顧琛傳

吳郡顧寶先卓越多奇自矜伎能僧虔乃作飛白以

示之寶先曰下官今為飛白屈矣

南史王僧虔傳

庾肩吾書品列下之下

寶泉述書賦評已見

注云今見具姓名行書兩紙共二十行

胡諧之

胡諧之豫章南昌人也世祖初為別駕爵關內侯永

明十年轉度支尚書贈右將軍豫州刺史謚曰肅

齊書

本傳

竇泉述書賦評已見

注云今見帶名行書一紙八行

張融

張融字思光暢子吳郡吳人也善草書常自美其能

齊高帝曰卿書殊有骨力但恨無二王法荅曰非恨

臣無二王法亦恨二王無臣法為司徒左長史

南史

草書以張融王僧虔為則體用得法意氣有餘

庚元威論

書

張融字思光吳郡人祖禕父暢思光官至司徒左長史博涉經史早標孝行書兼諸體於草尤工而時有稽古之風寬博有餘嚴峻不足可謂有文德而無武功然齊梁之際殆無以過或有鑑不至深見其有古

風多誤寶之以為張伯英書也而搨本大行於世

書斷

庾肩吾書品列下之中

李嗣真書後品列下中品

竇泉述書賦評已見

注云今見具姓名草書一紙九行

蕭惠基

蕭惠基思話子南蘭陵人善隸書及奕棋解音律官

太常贈金紫光祿大夫

南史
本傳

劉休

書斷誤作張休

劉休字宏明沛郡相人也休多藝能

善隸書

齊建元四

年為豫章內史羊欣重王子敬正隸書世共宗之右軍之體微輕反不復見貴及休始好右軍法因此大

行云

南史本傳

張休善隸書初羊欣愛子敬正隸法其崇仰以右軍體微古不復見貴休始改之世乃大行休字宏明官

至豫章太守

書斷

紀僧真

紀僧真丹陽建康人也事齊高帝以閑書題令荅遠
近書疏帝令僧真學上手迹下名上觀之笑曰我亦
不能別也封新陽縣男後為廬陵內史

南史
本傳

紀僧猛

紀僧猛僧真弟為鎮蠻護軍晉熙太守兄弟皆有風
姿舉止並善隸書僧猛又能作飛白書作飛白賦

南史

紀僧
真傳

劉係宗

劉係宗丹陽人也少便書畫齊高帝使寫諸處分敕
令及四方書疏使主書十人書吏二十人配之事皆
稱旨永明中魏使書常令係宗題荅祕書局皆隸之
鬱陵即位除寧朔將軍宣城太守

南史
本傳

謝朓

謝朓字元暉陳郡陽夏人也隆昌中為尚書吏部郎
善草隸長五言詩好獎人才會稽孔顗粗有才筆未

為時知孔珪嘗令草讓表以示朶朶嗟吟良久手自

折簡寫之

南史本傳

謝朶字元暉陳留人官至吏部郎中風華黼藻當時
獨步草書甚有聲草殊流美薄暮川上餘霞照人春
晚林中飛花滿目詩有美一人清揚婉兮邂逅相遇
適我願兮是之謂矣

顏延之亦善草書乃其亞也

書斷

庾肩吾書品列中之下

李嗣真書後品列下上品

慶歷中在金陵有農人以方石鎮肉視之若有鐫刻
取石洗濯乃海陵墓銘謝朓撰并書字畫如鍾繇

夢溪

筆談

周顒

周顒字彥倫顒七世孫汝南安成人少從外氏車騎
將軍臧質家得衛恒散隸書法學之甚工文惠太子
使顒書元圃茅齋壁國子祭酒何胤以倒薤書求就

顯換之顯笑荅曰天下有道邱不與易也轉國子博

士

南史
本傳

李嗣真後書品列下中品

周顒行草品中之下

韋續九品
書人論

張欣泰

張欣泰字義亨竟陵人也不以武業自居好隸書讀

子史東昏以為雍州刺史

南史
本傳

庾肩吾書品列下之下

崔偃

崔偃清河人博涉書記善蟲篆和帝以為寧朔將軍

南史崔

慧景傳

劉繪

劉繪字士章彭城人聰警有文藝善隸書高帝以為錄事典筆翰為大司馬從事中郎繪撰能書人名自

云善飛白

齊書本傳

庾肩吾書品列中之下

劉瑱

劉瑱字士溫繪弟也少有行業文藻篆隸丹青並為當世所稱仕齊為義興太守

南史本傳

沈麟士

沈麟士字雲禎吳興武康人也元嘉末文帝令何尚之抄撰五經訪舉學士縣以麟士應選少時歸鄉徵並不就遭火燒書數千卷麟士年過八十抄寫火下細書復成二三千卷滿數十篋時人以為養身靜默

所致

齊書本傳

徐伯珍

徐伯珍字文楚東陽太末人也少孤貧學書無紙常以竹葉箬葉甘蔗及地上學書禮辟不就建武四年

卒

南史本傳

張大隱

李嗣真後書品列下上品

張大隱行草品下之下

韋續九品書人論

蘭靜文

李嗣真書後品列下之上

蘭靜文行草品下之中

韋續九品
書人論

庾景休 褚元明

庾肩吾書品俱列下之中

陸彥遠

陸彥遠齊人行草品中之下


韋續九品
書人論

王晏

王晏字休默瑯琊人官至驃騎大將軍太子少傅工

行草

書史
會要



六藝之一錄卷三百二十一